

## 【如來十號】

瑜伽師地論 (卷 21) T30, p0396c

云何名爲諸佛出世。謂如有一普於一切諸有情類。起善利益增上意樂。修習多千難行苦行。經三大劫阿僧企耶。積集廣大福德智慧二種資糧。獲得最後上妙之身。安坐無上勝菩提座。斷除五蓋。於四念住善住其心。修三十七菩提分法。現證無上正等菩提。如是名爲諸佛出世。

佛：Buddha，覺者，法身與慧命的統一，就是佛。法身：正法以爲身——所覺證的正法，稱爲「最清淨法界」。慧命：佛以淨慧爲命——能覺證的淨慧，清淨覺照的佛智。含有自覺、覺他，覺行圓滿的意思。自覺，揀非凡夫的不覺；覺他，揀非二乘聖人的自覺；覺行圓滿，揀非菩薩修因，覺行未圓滿。

佛，對於宇宙人生的真理，普遍而正確的覺悟——正遍知；慈悲、智慧，一切功德，到達圓滿的境地，就稱爲佛。單說佛，不是指那一位佛，而是通指三世十方的一切佛。釋迦牟尼佛爲創覺的立教者。佛住世時，生活起居，與一般人相彷彿。既不是神，也不是神的兒子或使者，他是真摯的人類導師。本師釋迦牟尼佛，就誕生在印度的迦毘羅國釋迦種族。父親是淨飯王，母親是摩耶夫人，他也有妻有子。出家後，參學、修行，終於成了佛。他常在摩竭陀國的王舍城，憍薩羅國的舍衛城等，弘揚正法。到八十歲的時候，在拘尸那地方入滅。照這歷史上千真萬確的事實來看，佛那一樣不是在人間的。釋迦牟尼佛，不是天神，不是鬼怪，也從不假冒神子或神的使者。他老實的說：「諸佛世尊，皆出人間，非由天而得也」。

瑜伽師地論 (卷 38) T30, p0499.3 云：又諸如來、略有十種功德名號隨念功德。何等爲十？謂薄伽梵、號爲如來、應、正等覺、明行圓滿、善逝、世間解、無上丈夫調禦士、天人師、佛、薄伽梵。

言無虛妄，故名如來。

已得一切所應得義，應作世間無上福田，應爲一切恭敬供養；是故名應。

如其勝義覺諸法故；名正等覺。

明、謂三明。行、如經說止觀二品。極善圓滿，是故說名明行圓滿。

上昇最極，永不退還；故名善逝。

善知世界及有情界一切品類染淨相故；名世間解。

一切世間唯一丈夫，善知最勝調心方便；是故說名無上丈夫調禦士。

### 【如來十號】

爲實眼故，爲實智故，爲實義故，爲實法故，與顯了義爲開導故，與一切義爲所依故，與不了義爲能了故，與所生疑爲能斷故，與甚深處爲能顯故，令明淨故，與一切法爲根本故，爲開導故，爲所依故，能正教誡教授天人，令其出離一切眾苦；是故說佛名天人師。

於能引攝義利法聚，於能引攝非義利法聚，於能引攝非義利非非義利法聚，遍一切種現前等覺；故名爲佛。

能破諸魔大力軍眾，具多功德；名薄伽梵。

### 大智度論 T25，p.070.2 初品中婆伽婆釋論第四

[經]婆伽婆。[論]今當說。釋曰。云何名婆伽婆。婆伽婆者。婆伽言德。婆言有。是名有德。復次婆伽名分別。婆名巧。巧分別諸法總相別相故。、、、、、、、問曰。婆伽婆正有此一名，更有餘名。

答曰。佛功德無量。名號亦無量。此名取其大者。以人多識故。

#### 一、如來

復有異名。名多陀阿伽陀等。云何名多陀阿伽陀。如法相解如法相說。如諸佛安隱道來。佛亦如是來更不去後有中。是故名多陀阿伽陀。

#### 二、應供

復名阿羅呵。云何名阿羅呵。阿羅名賊。呵名殺。是名殺賊。如偈說

佛以忍爲鎧    精進爲剛甲    持戒爲大馬    禪定爲良弓  
智慧爲好箭    外破魔王軍    內滅煩惱賊    是名阿羅呵

復次阿名不。羅呵名生。是名不生。佛心種子後世田中不生。無明糠脫故。復次阿羅呵名應受供養。佛諸結使除盡得一切智慧故。應受一切天地眾生供養。以是故佛名阿羅呵。

#### 三、正遍知

復名三藐三佛陀。云何名三藐三佛陀。三藐名正。三名遍。佛名知。是名正遍知一切法。問曰。云何正遍知。答曰

知苦如苦相    知集如集相    知滅如滅相    知道如道相

是名三藐三佛陀。復次知一切諸法實不壞相不增不減。云何名不壞相。心行處滅言語道斷。過諸法如涅槃相不動。以是故名三藐三佛陀。復次一切十方諸世界名號。六道所攝眾生名號。眾生先世因緣未來世生處。一切十方眾生心相。

### 【如來十號】

諸結使諸善根諸出要。如是等一切諸法悉知。是名三藐三佛陀。

#### 四、明行足

復名鞞修遮羅那三般那。秦言明行具足。云何名明行具足。宿命天眼漏盡。名爲三明。問曰。神通明有何等異。答曰。直知過去宿命事。是名通。知過去因緣行業。是名明。直知死此生彼。是名通。知行因緣際會不失。是名明。直盡結使不知更生不生。是名通。若知漏盡更不復生。是名明。是三明大阿羅漢大辟支佛所得。問曰。若爾者與佛有何等異。答曰。彼雖得三明明不滿足。佛悉滿足。是爲異。問曰。云何不滿。云何滿。答曰。諸阿羅漢辟支佛宿命智。知自身及他人亦不能遍。有阿羅漢知一世或二世三世十百千萬劫乃至八萬劫。過是以往不能復知。是故不滿天眼明。未來世亦如是。佛一念中生住滅時。諸結使分生時。如是住時。如是滅時。如是苦法忍苦法智中所斷結使悉覺了。知如是結使解脫。得爾所有爲法解脫。得爾所無爲法解脫。乃至道比忍。見諦道十五心中。諸聲聞辟支佛所不覺知。時少疾故。如是知過去眾生因緣漏盡。未來現在亦如是。是故名佛明行具足。行名身口業。唯佛身口業具足。餘皆有失。是名明行具足。

#### 五、善逝

復名修伽陀。修秦言好。伽陀或言去。或言說。是名好去好說。好去者。於種種諸深三摩提無量諸大智慧中去。如偈說

佛一切智爲大車 八正道行入涅槃

是名好去。好說者。如諸法實相說。不著法愛說。觀弟子智慧力。是人正使一切方便神通智力化之。亦無如之何。是人可度是疾是遲。是人應是處度。是人應說布施。或說戒或說涅槃。是人應說五眾十二因緣四諦等諸法能入道。如是等種種。知弟子智力。而爲說法。是名好說。

#### 六、世間解

復名路迦憊。路迦秦言世。憊名知。是名知世間。問曰。云何知世間。答曰。知二種世間。一眾生二非眾生及如實相。知世間世間因知世間滅出世間道。復次知世間。非如世俗知。亦非外道知。知世間無常故苦。苦故無我。復次知世間相非有常非無常。非有邊非無邊。非去非不去。如是相亦不著。清淨常不壞相如虛空。是名知世間。

## 【如來十號】

### 七、無上士

復名阿耨多羅。秦言無上。云何無上。涅槃法無上。佛自知是涅槃不從他聞。亦將導眾生令至涅槃。如諸法中涅槃無上。眾生中佛亦無上。復次持戒禪定智慧。教化眾生。一切無有與等者。何況能過。故言無上。復次阿名無。耨多羅名答。一切外道法可答可破。非實非清淨故。佛法不可答不可破。出一切語言道。亦實清淨故。以是故名無答。

### 八、調御丈夫

復名富樓沙曇藐婆羅提。富樓沙。秦言丈夫。曇藐言可化。婆羅提言調御師。是名可化丈夫調御師。佛以大慈大悲大智故。有時軟美語。有時苦切語。有時雜語。以此調御令不失道。如偈說

佛法爲車弟子馬 實法寶主佛調御 若馬出道失正轍 如是當治令調伏

若小不調輕法治 好善成立爲上道 若不可治便棄捨 以是調御爲無上

復次調御師有五種。初父母兄姊親里中官法下師法。今世三種法治。後世閻羅王治。佛以今世樂後世樂及涅槃樂利益故。名師上。四種法治人不久畢壞。不能常實成就。佛成人以三種道。常隨道不失。如火自相不捨乃至滅。佛令人得善法亦如是。至死不捨。以是故。佛名可化丈夫調御師。問曰。女人佛亦化令得道。何以獨言丈夫。答曰。男尊女卑故。女從男故。男爲事業主故。復次女人有五礙。不得作轉輪王釋天王魔天王梵天王。佛以是故不說。復次若言佛爲女人調御師。爲不尊重。若說丈夫一切都攝。譬如王來不應獨來。必有侍從。如是說丈夫。二根無根及女盡攝。以是故說丈夫。用是因緣故。佛名可化丈夫調御師。

### 九、天人師

復名舍多提婆魔有舍喃。舍多秦言教師。提婆言天。魔有舍喃言人。是名天人教師。云何名天人教師。佛示導是應作是不應作。是善是不善。是人隨教行不捨道法。得煩惱解脫報。是名天人師。問曰。佛能度龍鬼神等墮餘道中生者。何以獨言天人師。答曰。度餘道中生者少。度天人中生者多。如白色人雖有黑鬘子不名黑人。黑少故。復次人中結使薄厭心易得。天中智慧利。以是故。二處易得道。餘道中不爾。復次言天則攝一切天。言人則攝一切地上生者。何以

【如來十號】

故。天上則天大。地上則人大。是故說天則天上盡攝。說人則地上盡攝。復次人中得受戒律儀見諦道思惟道及諸道果。或有人言。餘道中不得。或有人言。多少得。天人中易得多得。以是故佛為天人師。復次人行樂因多。天中樂報多。善法是樂因。樂是善法報。餘道中善因報少。以是故佛為天人師。

十、佛

復名佛陀。(秦言知者)知何等法。知過去未來現在眾生數非眾生數有常無常等一切諸法。菩提樹下了了覺知故。名為佛陀。、、、、、、、、

復次是三天愛之則欲令得一切願。惡之則欲令七世滅。佛不爾。菩薩時若怨家賊來欲殺。尚自以身肉頭目髓腦而供養之。何況得佛。不惜身時。以是故獨佛應當受佛名號。應當歸命佛。以佛為師不應事天。復次佛有二事。一者大功德神通力。二者第一淨心諸結使滅。諸天雖有福德神力。諸結使不滅故心不清淨。心不清淨故神力亦少。聲聞辟支佛雖結使滅心清淨。福德薄故力勢少。佛二法滿足故稱勝一切人。餘人不勝一切人。

婆伽婆名有德。先已說。、、、、、、、、

父母名字悉達陀(秦言成利)得道時知一切諸法故。是名為佛。應受諸天世人供養。如是等得名大德厚德。如是種種隨德立名。、、、、、、、、何以故。得十力故。知處非處故。知因緣業報故。知諸禪定解脫故。知眾生根善惡故。知種種欲解故。知種種世間無量性故。知一切至處道故。先世行處憶念知故。天眼分明得故。知一切漏盡故。淨不淨分明知故。說一切世界中上法故。得甘露味故。得中道故。知一切法若有為若無為實相故。永離三界欲故。如是種種因緣故。佛為一切智人。問曰。有一切智人。何等人是。答曰。是第一大人三界尊名曰佛。如讚佛偈說

頂生轉輪王	如日月燈明	釋迦貴種族	淨飯王太子
生時動三千	須彌山海水	為破老病死	哀愍故生世
生時行七步	光明滿十方	四觀發大音	我生胎分盡
成佛說妙法	大音振法鼓	以此覺眾生	世間無明睡
如是等種種	希有事已現	諸天及世人	見之皆歡喜
佛相莊嚴身	大光滿月面	一切諸男女	視之無厭足
生身乳舖力	勝萬億香象	神足力無上	智慧力無量
佛身大光明	照曜佛身表	佛在光明中	如月在光裏

【如來十號】

種種惡毀佛	佛亦無惡想	種種稱譽佛	佛亦無喜想
大慈視一切	怨親等無異	一切有識類	咸皆知此事
忍辱慈悲力	故能勝一切	爲度眾生故	世世受勤苦
其心常一定	爲眾作利益	智慧力有十	無畏力有四
不共有十八	無量功德藏	如是等無數	希有功德力
如師子無畏	破諸外道法	轉無上梵輪	度脫諸三界

是名爲婆伽婆。婆伽婆義無量。若廣說則廢餘事。以是故略說。

善逝善說妙三身 無畏無流證教法

四無畏

顯揚四卷八頁云：無畏者，謂四無畏。廣說如經。一、佛作誠言：我是正等覺者。若有難言於是法中不正等覺。我於此難正見無緣，是故無畏。謂如來證得妙善清淨一切種智故。二、佛作誠言：我諸漏已盡。若有難言：如是如是諸漏未盡。我於此難正見無緣，是故無畏。謂如來證得妙善清淨一切種斷故。此二無畏依自利德。三、佛作誠言：我爲弟子說障礙法染必爲障。若有難言：染習此法不能爲障。我於此難正見無緣，是故無畏。謂依如來爲所化有情，說一切種所對治法。四、佛作誠言：我爲弟子說出離道修定出離。若有難言：雖修此道，不能出離，不正盡苦及證苦邊。我於此難正見無緣，是故無畏。謂依如來爲所化有情說一切種能對治法。此二無畏依利他德。

無流者，謂無四瀑流。

阿毘達磨集異門足論卷第八，T26，p.399.2 ~ p.399.

四瀑流者。一欲瀑流。二有瀑流。三見瀑流。四無明瀑流。云何欲瀑流。答除欲界繫諸見無明。諸餘欲界繫、結、縛、隨眠、隨煩惱、纏。是名欲瀑流。云何有瀑流。答除色無色界繫諸見無明。諸餘色無色界繫、結、縛、隨眠、隨煩惱、纏。是名有瀑流。云何見瀑流。答謂五見。一有身見。二邊執見。三邪見。四見取。五戒禁取。如是五見。名見瀑流。云何無明瀑流。答三界無智。是名無明瀑流。

## 【如來十號】

### 如來十力

瑜伽四十九卷十六頁云：云何如來十力？一者、處非處智力，二者、自業智力，三者、靜慮解脫等持等至智力，四者、根勝劣智力，五者、種種勝解智力，六者、種種界智力，七者、遍趣行智力，八者、宿住隨念智力，九者、死生智力，十者、漏盡智力。如是十種如來智力，當知廣如十力經說。

### 十自在（無礙）

因中修出世的「六波羅蜜多圓滿」，果上就「得十自在」圓滿。法身不僅是理性的，是具足十自在，而體用無礙的。這十自在，雖到佛果才圓滿，但大地菩薩也可獲得一分。

- 一、「壽自在」，要捨壽就捨壽，要留壽就留壽，住世的壽命能自在無礙。
- 二、「心自在」，佛心不為世間的塵染所染，不為境界所轉。
- 三、「眾具自在」，衣服、飲食、臥具、醫藥等資生物質豐富優美，不會感到缺乏。

這三自在，「由」修布「施波羅蜜多圓滿」得來。因施有法、財、無畏三種，法施圓滿就得壽命自在，無畏施圓滿就得心自在，財施圓滿就得眾具自在。

- 四、「業自在」，身口意三業能隨意自在，不受阻礙。

五、「生自在」，要在那一趣受生就在那一趣受生，再不受有漏業力的支配。這二自在是「由」修持「戒波羅蜜多圓滿」得來。戒有防非止惡的最勝功能，能在現生實行清淨的三業，未來生善趣，所以果上能得業、生二自在。

六、「勝解自在」，依自心觀想的勝解力，能自在的變大地作黃金，水變為火，一切境界隨自己的勝解而轉。這是「由」修「忍」辱「波羅蜜多圓滿」得來。在因中修忍辱時，能隨眾生的心所樂轉，所以果中能得此自在。

七、「願自在」，做什麼事業都能滿足自己的所願，達到目的，這是「由」修「精進波羅蜜多圓滿」得來。願力必須精進來充實它，因中勤修精進，對利益眾生的事業，沒有懈怠，所以果上能隨願自在。

八、「神力自在」，六神通中除漏盡通，其餘天眼天耳等「五通所攝」的凌空往來，知他心等事，能得自在。這是「由」修「靜慮波羅蜜多圓滿」得來，這因為禪定可以引發神通。

- 九、「智自在」，於一切境界中，獲得正智，遍一切法無不知。

### 【如來十號】

十、「法自在」，後得智能安立種種教法，隨機宣說，都能契合正理。這二自在，是「由」修「般若波羅蜜多圓滿」得來。(<<攝大乘論講記>>p.481 ~ p.482)

#### 阿耨多羅三藐三菩提

阿耨多羅，秦言無上。阿爲無，耨多羅爲上，三藐三菩提，秦言正遍知。三藐爲正，三爲遍。菩提，道也，統而譯之，名爲無上正遍道、正遍知。道莫之大，無上也。其道真正，無法不知，正遍知也。

新譯曰無上正等正覺。法華玄贊二曰：「阿云無，耨多羅云上，三云正，藐云等。又，三云正，菩提云覺，即是無上正等正覺。真正平等覺知一切真理之無上智慧也。」

正者，不顛倒義。等者，遍及滿義。故名正等覺。正覺諸法如，通達第一義諦；等覺一切法，通達世俗諦，且由大悲等流，平等開覺一切眾生。

#### 大寶積經卷第三十九 T11，p.223.3

舍利子。云何如來名正等覺。舍利子。如來能於一切諸法。平等正覺無非平等。若凡夫法。若諸聖法。若諸佛法。若諸學法。若無學法。若獨覺法。若菩薩法平等平等。若世間法。若出世間法。若有罪無罪。有流無流。有爲無爲。如是等一切諸法。如來悉能平等正覺。是故名爲正等覺者。

#### 大智度論 T25，236.1 ~ p.236.2

修念佛三昧。非但念佛身。當念佛種種功德法身。應作是念，佛一切種一切法能解故名一切智人。一切法如實善分別說故。名一切見人。一切法現前知故。名一切知見無礙人。等心一切眾生故。名大慈悲人。有大慈悲故。名爲世救。如實道來故。名爲如來。應受一切世間供養故。名爲應供人。成就不顛倒智慧故。名正遍知。戒定慧智成就故。名明行。成不復還故。名善逝。知世間總相別相故。名世間解。善說出世間安隱道故。名無上調御師。以三種教法度眾生故。名天人師。一切世間煩惱睡能自覺亦能覺人故。名爲覺人。一切所願具足故。名有德。十力成就故。名堅誓。得四無畏故。名人師子。得無量甚深智故。名大功德海。一切記說無礙故。名如風。一切好醜無憎愛故。名如地。燒一切結使薪故。名如火。善斷一切煩惱習故。名具足解脫。最上處住故。名爲世尊。佛有如是等諸功德故應念佛。



## 【十二分教】

瑜伽二十五卷六頁云：

云何**契經**？謂薄伽梵，於彼彼方所，爲彼彼所化有情，依彼彼所化諸行差別，宣說無量蘊相應語，處相應語，緣起相應語，食相應語，諦相應語，界相應語，聲聞乘相應語，獨覺乘相應語，知來乘相應語，念住正斷神足根力覺支道支等相應語，不淨息念諸學證淨等相應語。結集如來正法藏者，攝聚如是種種聖語，爲令聖教久住世故；以諸美妙名句文身，如其所應，次第安布，次第結集。謂能貫穿縫綴種種能引義利能引梵行真善妙義。是名契經。

云何**應頌**？謂於中間，或於最後，宣說伽他。或復宣說未了義經。是名應頌。

大毗婆沙論一百二十六善書十四頁云：應頌云何？謂諸經中，依前散說契經文句，後結爲頌，而諷誦之。即結集文，結集品等。

云何**記別**？謂於是中，記別弟子命過已後當生等事。或復宣說已了義經。是名記別。集論七卷一頁云：何等記別？謂於是處，聖弟子等，謝往過去，記別得失生處差別。又了義經，說名記別，記別開示深密意故。

云何**諷頌**？謂非直說；是結句說。或作二句，或作三句，或作四句，或作五句，或作六句等。是名諷頌。

云何**自說**？謂於是中，不顯能請補特伽羅名字種姓。爲令當來正法久住，聖教久住，不請而說。是名自說。

云何**因緣**？謂於是中，顯示能請補特伽羅名字種姓，因請而說；及諸所有毘奈耶相應，有因有緣，別解脫經。是名因緣。

云何**譬喻**？謂於是中，有譬喻說。由譬喻故；本義明淨。是名譬喻。

云何**本事**？謂諸所有宿世相應事義言教，是名本事。

云何**本生**？謂於是中，宣說世尊在過去世，彼彼方分，若死若生，行菩薩行，行難行行。是名本生。

云何**方廣**？謂於是中，廣說一切諸菩薩道；爲令修證阿耨多羅三藐三菩提，十力、無畏、無障智等，一切功德。是名方廣。

云何**希法**？謂於是中，宣說諸佛，諸佛弟子，比丘，比丘尼，式叉摩那，勞策男，勞策女，近事男，近事女等。若共不共，勝於其餘，勝諸世間同

意所許，甚奇希有最勝功德。是名希法。

云何論議？所謂一切摩呬履迦阿毘達磨。研究甚深素呬纜義，宣暢一切契經宗要。是名論議。

二解 瑜伽八十一卷十二頁云：法者：略有十二種。謂契經等十二分教。

契經者：謂貫穿義，長行直說，多分攝受意趣體性。

應頌者：謂長行後，宣說伽他。又略標所說不了義經。

記別者：謂廣分別略所標義，及記命過弟子生處。

諷頌者：謂以句說，或以二句，或以三四五六句說。

自說者：謂無請而說。爲令弟子得勝解故。爲令上品所化有情，安住勝理，自然而說。如經言：世尊今者，自然宣說。

緣起者：謂有請而說。如經言：世尊一時依黑鹿子，爲諸苾芻，宣說法要。又依別解脫因起之道，毘奈耶攝所有言說。又於是處，說如是言：世尊依如是如是因緣，依如是如是事，說如是如是語。

譬喻者：謂有譬喻經。由譬喻故，隱義明了。

本事者：謂除本生，宣說前際諸所有事。

本生者：謂宣說己身，於過去世行，菩薩行時，自本生事。

方廣者：謂說菩薩道。如說七地、四菩薩行，及說諸佛百四十種不共佛法。謂四一切種清淨，乃至一切種妙智。如菩薩地，已廣說。又復此法，廣故，多故，極高大故，時長遠故。謂極勇猛，經三大劫阿僧企耶，方得成滿故；名方廣。

未曾有法者：謂諸如來，若諸聲聞，若在家者，說希奇法。如諸經中，因希有事，起於言說。

論議者：謂諸經典，循環研覈摩呬理迦。且如一切了義經，皆名摩呬理迦。謂於是處，世尊自廣分別諸法體相。又於是處，諸聖弟子，已見諦跡，依自所證，無倒分別諸法體相。此亦名爲摩呬理迦。即此摩呬理迦，亦名阿毘達磨。猶如世間一切書算詩論等，皆有摩呬理迦。當知經中循環研覈諸法體相，亦復如是。又如諸字，若無摩呬理迦；即不明了。如是契經等十二分聖教，若不建立諸法體相；即不明了。若建立已；即得明了。又無雜亂、宣說法相，是故即此摩呬理迦，亦名阿毘達磨。又即依此摩呬理迦，所餘解釋諸經義者，亦名論義。